

01-11-2024

18-11-2024

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

PRAVILNIK

**O KRITERIJIMA I DODJELI NOVČANIH SREDSTAVA ZA PRILAGOĐAVANJE PUTNIČKIH
AUTOMOBILA RATNIM VOJNIM INVALIDIMA ZA SAMOSTALNO UPRAVLJANJE**

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06 i 51/09), člana 25. Statuta Općine Centar Sarajevo- prečišćeni tekst ("Službene novine Kantona Sarajevo", broj: 23/04) i člana 3 i 4. Odluke o dodjeli pomoći boračkoj populaciji ("Službene novine Kantona Sarajevo" broj: 41/24), Općinski Načelnik donosi:

**PRAVILNIK
O KRITERIJIMA I DODJELI NOVČANIH SREDSTAVA ZA PRILAGOĐAVANJE PUTNIČKIH
AUTOMOBILA RATNIM VOJNIM INVALIDIMA ZA SAMOSTALNO UPRAVLJANJE**

**Član 1.
(Kriterij i način dodjele)**

Ovim Pravilnikom o kriterijima i dodjeli novčanih sredstava za prilagođavanje putničkih automobila ratnim vojnim invalidima za samostalno upravljanje (u daljem tekstu: Pravilnik) utvrđuju se uvjeti i način ostvarivanja prava na prilagođavanju putničkih automobila ratnim vojnim invalidima za samostalno upravljanje.

**Član 2.
(Korisnici i cilj)**

Cilj lokalne zajednice je da putem izdvajanja budžetskih sredstava, poboljša status korisnika prava iz oblasti boračko- invalidske zaštite, te omogući bolje uslove za njihovu integraciju u društvo.

**Član 3.
(Nadležnost)**

Poslove u vezi ostvarivanja prava propisanih ovim Pravilnikom obavlja nadležna općinska služba za poslove iz oblasti boračko- invalidske zaštite.

**Član 4.
(Način ostvarivanja prava i postupanje po zahtjevu)**

- (1) Sredstva sa budžetske pozicije predviđena za ovu namjenu dodjeljuju se na osnovu podnesenog zahtjeva ratnog vojnog invalida nadležnoj općinskoj službi iz oblasti boračko- invalidske zaštite putem protokola Općine.
- (2) Služba je dužna da u roku od 30 odnosno 60 dana od dana podnošenja zahtjeva isti riješi i o tome obavijestiti podnosioca.
- (3) Dokumentacija koju je potrebno priložiti uz zahtjev će biti navedena u posebnom obrascu koji će biti dostupan na web stranici te info-pultu Općine Centar Sarajevo. Zahtjev za ostvarivanje prava čini sastavni dio ovog Pravilnika i isti se može mijenjati neovisno od odredbi Pravilnika.

**Član 5.
(Lica koja ostvaruju pravo)**

Pravo na prilagođavanje putničkih automobila ratnim vojnim invalidima za samostalno upravljanje u skladu sa ovim Pravilnikom imaju ratni vojni invalidi prve grupe sa 100% invalidnosti;

Član 6.
(Uslovi za ostvarivanje prava)

Uslovi za ostvarivanje prava na prilagođavanje putničkih automobila ratnim vojnim invalidima za samostalno upravljanje na osnovu ovog Pravilnika su:

- a) da podnosilac zahtjeva ima prebivalište na području općine Centar Sarajevo;
- b) da je podnosilac zahtjeva lice definisano članom 5. ovog Pravilnika;
- c) da lice posjeduje vozačku dozvolu;
- d) da je lice ostvarilo pravo na dodjelu novčanih sredstava za nabavku putničkog automobila putem Federalnog ministarstva za pitanja boraca i invalida odbrambeno-oslobodilačkog rata, a u skladu sa Uredbom o sufinansiranju nabavke putničkih automobila za ratne vojne invalide prve grupe sa 100% invalidnosti.

Član 7.
(Isplata sredstava)

- (1) Podnosilac zahtjeva je dužan dostaviti predračun/račun o ugradnji ručnih komandi u automobile od ovlaštene firme koja ugrađuje ručne komande u automobile.
- (2) Općinski načelnik će sa podnosiocem zahtjeva potpisati protokol/ugovor za dodjelu novčanih sredstava za prilagođavanje putničkih automobila za samostalno upravljanje.
- (3) Sredstva za prilagođavanje putničkih automobila za samostalno upravljanje će se uplatiti na tekući račun korisnika, a na osnovu validne dokumentacije o ugradnji ručnih komandi u automobile od ovlaštene firme koja ugrađuje ručne komande (račun ovlaštene firme, fiskalni račun i sl).

Član 8.
(Povrat sredstava)

Ukoliko korisnik sredstava ne dostavi finansijski izvještaj sa svom pratećom dokumentacijom o namjenskom utrošku sredstava, dužan je izvršiti povrat istih uplatom na račun Općine Centar Sarajevo. U suprotnom će se sredstva potraživati putem nadležnog suda.

Član 9.
(Stupanje na snagu Pravilnika)

Ovaj Pravilnik stupa na snagu narednog dana od dana objavljivanja u Službenim novinama Kantona Sarajevo, a isti će biti objavljen i na Oglasnoj ploči i web stranici Općine Centar Sarajevo.



Broj: 09/A-5779/24-1
Sarajevo: 28.10.2024. godine.

01-11-2024

Pravilnik je objavljen na oglasnoj ploči Općine Centar Sarajevo dana _____ 2024. godine